

REVERENDISSIMO ET NOBILISSIMO D. DOMINO HIERONYMO
DE OSSOLIN OSSOLINSKY, ABBATI COPRIVNICENSI, ET S.R. MAIESTATIS
SECRETARIO DIGNISSIMO &c. &c. D. DOMINO VNICE COLENDISSIMO.

ALBERTVS GOLEMOWSKY integerrimam salutem optat.

EM apud te me sisto (Reuerendiss. Abbas) meam aequanimi audaciam publice prodo. Nuper enim cognitus, me infero tue humanitati choro: nec habeo rationem tue dignitatis, nec mee inconsiderate temeritatis. Nam quod debebat in tempore refruere ad concinnandam doctrinam symphoniam, ultra mea balbuties & rauedinitas conficiis, tuis reuerentibus & eruditis auribus accipere audeo, absque ulla concentu, & modulis vocum inter se suauiter temperatis occurrente, inquam, rhythmicum medicinam, si quis alius, difficillimum, puta de pulsum necessitate questionem. Merito sane & oblatorio affatu hanc inconsultam cautilem increpabis. Quid? ipse modularum & legum metricarum ignarus, deposita omni fronte in diuini Apollinis confessa rauicam & ingratam vocem ventitare audes? articularum ex ipso vitæ fonte scaturientium modulos, ratas & completas periodos, dissonas ipsam & inuicem indicare putas? rem arduam, & si quam habet latitudinem, confusissimam partem, tuis rebus non consulas? nec apud te ponderatis viribus meditati consideras, an tanto oneri, tanta mole par sis & feceris? Sed Andabatarum in vicem, ut tibi venit in mentem, voce tam abscondita & absurda in hoc musico certamine disgladiari & fortiter resistere, quasi extincto lumine capitando periclitari? Age iterum, nec incurre hanc tui nominis iacturam, quæ etiam, quando voles, refarciri non poterit, semel facta in oculis, in luce adeo præclaræ & honorandæ civitatis Lutetie. Verum ita est, Reuerendiss. Abbas, & si qua foret, verissima haberi posset exprobratio tua. Sancte & conceptis verbis iurare possum me non tam honoris habendi, quam profectus faciendi studio, talem Musici quamvis infirmi suscepisse personam, in hac scientiarum & bonarum artium coronâ. Nam quot sunt medici huiusce Scholæ, tot mihi videntur stelle hanc diuinam harmoniam componentes, ubique & per omnes mundi angulos scintillare. Debeant autem, ut in illâ musicâ, esse iuniores, qui suauiter & acutius vocibus grauioribus & altioribus temperarent. Varietas vocum miscellanea eam parit iucunditatem quam auribus & per sepe cum titillatione & pruritu omnium sensuum percipimus. Vnus ex his dici possum qui submissius canant & frigidius, nondum adepti iustam miscendarum vocum temperaturam. Deinde ut verè loquar, non omnia possumus omnes: & Oppianus grauis auctor grauisimè cecinit:

Tis dē dē pōp' ē cēdō, nē cē cē cōp' cōpōp' cōpōp'.

Omnes dē, pōp' dē dē pōp' pōp' pōp' pōp'.

Sed mea ut video nimium excurrit cantio: Vereor, ne dum durior est, tuas delicatissimas aures veterum literarum iustas heredes exasperet. Ignoscet queso, & aliquid condonabis rudimento, quod, ut spero, modulatius euadet. Faxit Deus cum suo honore & gloria immortalis. Vale. Lutetie Parisi. Anno salutis M. DCV.

AD QVODLIBETARIAM.

QVÆSTIO MEDICA

Matutinis excutienda disputationibus, die Iouis XIII. Ianuarij in scholis Medicorum Parisi. M. Dionysio Guerin Doctore medico Præside.

Estne pulsum cognitio necessaria medico?

FUNCTIONES, ut sunt in corpore, & ὁμοίως cognitionem & partis ægrotantis discrimen, medico naturæ ministro manifestant. Probæ, sanam: læsæ, morbosam oculis exponunt. Harum morbi, illarum facultates suis instructis organis, ut membris, temperamentis, spiritibus, sunt effectrices causæ. Partium organicæ opponuntur informibus: dissimilares similibus, quas organi mereri nomen non malè dixeris. Communes vel primariæ, his: perfectæ vel instrumentariæ, illis debentur functiones. Temperies facultatum sedes & omnium functionum principium, à primo ortu ex coalitâ genitalium corporum miscellâ & concentu singulis ingeneratur partibus: quarum interiectu, homo mundi miraculum, & celsissimæ auræ particula, temperamentum ad iustitiam suis functionibus aptissimum sortitur: cuius medium qui tenent, omni ex parte temperatissimi iudicantur: quales sunt adolescentis flore sanguinis & vigore præcellentes. Spiritus animali & vitali facultatibus maxime, naturali minime necessarium instrumentum, quod defectu semper, copiâ numquam nostris officit facultatibus.

NATVRALES facultates tres habentur principes. Altrix in iecore venarum seminario: cuius functio nutritio est: materia proxima massa sanguinis: remota verò alimentum, quod hyeme & vere liberalius offerendum est. Cæna quoque indulgentior sit prandio, coctû tamen facilitia locum habeant in primis: difficiliora succedant. Cibuscipiat, potus terminet. Auctrix ut solidis partibus primò inest: ita hæc per se, ceteræ per hæc augentur. Viuentium illa vernacula est & peculiaris, quæ iuxta quamlibet partem, cum formæ tum materiæ ratione incrementû capiunt. Porro licet auctio sit motus diligens nutritionis comes; cessat tamen & desistit, nutritione, suâque facultate illèsa & superflite. Procreatricis munus est generare sibi simile: cuius testes vim in se corporis animalis habentes sunt instrumentum. Quo orbat, animo & corpore deuigescunt cum lucis detrimento: arriunt quidem, sed rem, ubi viribus & alacritate opus est, agunt impotenter, id est sine testibus vitæ; residu cum merore & tristitiâ traducit.

VITALIS facultas ab omnibus alijs seiuncta, in corde ὁμοίως & ἰσότητι ἡμῶν ἐστὶν τὸ ζῆν domicileum habet. In cuius sinistro sinu spiritum vitalem, ex aëre inspirato, & tenuissimâ sanguinis portione delatâ conficit: quo per arteriasynâ cum calore in vniuersum corpus diffuso, omnium partium facultates vegetat & fouet, insitum calorem refocillat, & ad munus suum acuit. σπινθηρὸς eius ancille functio est pulsus, prosperæ & aduersæ valetudinis index certissimus, Coo seni non ignotus; quem illa cordi insidens, & ab eo in arterias per ipsarum tunicas influens, vtraque mouens simul & semel motu eodem, vno ὁμοίως, altero αὐτὸν ὁμοίως, facit. Qui sanè motus cum sint contrarij, necessariòque geminam intermediam quietem habeant, sit ut pulsus non sit vnum nisi per aggregationem. His iuncta est ἀντιπᾶ ψυχή, cuius interdum tanta vis est & rebellio, ut multos è medio repente sustulerit, ad eam referuntur animi παθήματα pulsum ipsum, si quid aliud, euidenter immutantiâ.

AMPLEVS, cor ipsum princeps & ἀρχὴ, licet vltimum sit moriens, non tamen primum viuens: grauiorum omnium affectuum impatiens: cuius ex obstructione & oppensione semper, ex intemperie numquam subita mors sequitur: thesaurus vitæ, quam optima humidi & calidi mistura reddit longiorem, & rerum non naturalium conueniens usus. Ars quoque eam diutius producere potest, non tamen in multa secula prorogare. Mares ætatis, & præci quam nos μακροχρόνιοι. Nec tamen illud ingenitum oleo cuidam simile, cui aduentitium nequaquam bonitate potest respondere, vitæ pabulum est & salus. Absumitur & tabescit ab externis causis, sicut ab ipso calore naturo: ita ut gesticiant sese mutuo depopulari, còque sicior euadit natura, quò propior accedit ad ætatis occasum. Mors omnes etiam inuitos lege natura manet.

ALIDISSIMUM est omnium partium cor, duobus præditum ventriculis; quorum sinister, puris empyicorum nonnumquam excludendi via, ut calidior, sic præstantior altero: vasis præterea quatuor, venis duabus, totidem arterijs. Alimentum eius venosus est sanguis: substantia est παχύρρεμα, vel quadam ipsi soli peculiaris caro, dura, omnisq; generis villis intertextâ. Pulsuum verò inde fluentium variz & multiplices existunt differentiz: ex quibus non tantum de cordis & arteriarum habitu, de humorum dominio: verum omnium penè morborum certa & indubitata sumuntur indicia. Celer in fanis calidum temperamentum: in ægris, caloris æstuantis copiam: in vtrisque robur ipsum significat. Vehemens, facultatis robur: languidus, vires effætas & iacentes indicat. Frequens calorem putribus excrementis redundare, ἀρρυθμὸς seu suæ caprizans cordis inæqualem intemperiem. Amantium inæqualis & ἀνισόρρυθμος, qualis illius mulieris amore Pyladis histrionis correptæ: vino incalescentium ἡγορῶδες & fortis. Quin & hominum arcana pulsum ope recluduntur.

Ergo pulsum cognitio necessaria medico.

Defendebat ALBERTVS GOLEMOWSKY Polonus diocesis Poseniensis, anno salutis 1605.

DOMINI DOCTORES DISPUTATVRI.

M. Germanus Clerfeliér.

M. Robertus le Secq.

M. Ricardus Marceſ.

M. Hieronymus Taquet.

M. Simon Bazin.

M. Nicolaus Pietre.

M. Philippus Hardony de S. Jacques.

M. Claudius Fannelet.

M. Nicolaus Marchant.

